

# *LESELI LA LONA LE KE LE KHANYETSE BATHO JOALO*

 Ke taba e neng e sa lebelloa ke 'na le joalo ka lona. Ke ile ka theoha... Ke lokela ho ipolela ha ke batlile ke bapala karolo ea moikaketsi. Ke fihlile morao-nyana ho nako. Ka re, "Moena Neville o tla be a rera ha ke fihla mono, ka baka leo a ke ke a bua letho ho 'na. O tla tsoela pele feela."

<sup>2</sup> Ha ke kena monyako, Billy a re ho 'na, a re, "Moena Neville o sa nts'a rera. U ts'oere nako hantle."

Ka re, "Ho itoketse."

<sup>3</sup> Ho tla ho 'na, a re, "Ha ke eso qalelle ho rera. Ke mpa ke letile feela."

<sup>4</sup> Ka baka leo ka nahana, "Chee, mohlolomong..." Ka re, "Ke tseba kamoo ho leng kateng ho rera, habeli kapa hararo ka letsatsi, ho batla ho khathatsa motho." Re tseba hoo. Haholo ha u le mocha joalo ka rona, le a tseba, hara mathaka a macha ao a—a sa nkeng nako e telele. Ka baka leo re batla re le 'moho, joalo ka baena, 'me re batla re ema lehetla ka lehetla, le lipelo tsa rona 'moho, le mehopolo ea rona 'moho, re tle re sebetse 'moho, bakeng sa 'Muso oa Molimo.

<sup>5</sup> 'Me re rata ho ba 'moho le lona. Ke—ke ntho e khabane. Ka baka leo ke kopile Morena ho mpha mohlolithero o monyenyanne mono, ntho e itseng, ho qalisa ka eona. Ha ke tsebe seo ke tla se bua le joale, re mpa re qala feela, homme hohle moo A re isang teng. Ke 'nete hore re...

<sup>6</sup> Ke ne ke loketse ho qala kopano ea matsatsi a ts'eletseng mane Fairbanks, Alaska, la leshome le metso e mehlano, ho qala ka la leshome le metso e mehlano. Empa ha ke kholoe ke tla khona ho nyolohela mono nakong ena, hoba ke na le taetso e 'ngoe eo ke lokelang ho ea ho eona, holima koana British Columbia. Ka baka leo ha ke hopole ke tla khona ho nyoloha nakong ena. Hape, ba batla ho hlaphisa khaolo ea borakhoebo, Borakhoebo ba Bakreste.

<sup>7</sup> Ruri ke qela ke bile ke labalabela lithapelo tsa lona bakeng sa likopano tse tlang tseo re lekang ho li hlapha joale. 'Me ke amohetse memo, matsatsi a 'maloa a fetileng, ntho e utloahetseng e le monate ho 'na. 'Me ha ke tsebe ha eba e le Morena ka ho eona, kapa che. Ke tla lokela ho ema feela le ho fumana. Borakhoebo ba batlile ke tle Phoenix, ka Pherekhong, le ho etela kereke e 'ngoe le e 'ngoe, ka bosiu,

ho haola le motse oohle oa Phoenix, le ho ts'oara seboka hamorao. Hoo ha utloahala ho tlisa thahasello, ho 'na, hoba ho tla mpha e—e monyetla oa ho bua le likereke le bareri bohole.

<sup>8</sup> Ka tloaelo, batho ba ee ba nahane, ka 'na, kahobane ke harinya mekhatlo hakana, hore ke khahlano le banna ba ka hara mokhatlo. Ha ke joalo, le ho leka. Ke ema lehlakoreng la batho.

<sup>9</sup> Ho joalo kaha ke bona monna a theosa ka noka ka mokoroana mona, 'me mokoroana o tletse masoba, 'me ke tseba hoo, le ho tseba ha mokoroana oo o ke ke oa fohla maqhubu ao tlase mono. Ke tla hoeletsa ke ahlole mokoroana oo, ka thata kamoo ke tsebang, empa e seng monna ea ka hara mokoroana. Ke ahlola mokoroana. Kea tseba hobane mokoroana o ke ke oa tsoella. 'Me kea tseba mokhatlo o ke ke oa tsoella. Empa kea tseba hore batho ba ka mono ba tla tsoella, ha le ka tsoa feela. Le a bona?

<sup>10</sup> Empa ho ts'oana leha u na le koloi ea khale 'me u nyoloha thaba, 'me ke tseba hobane ha u lepella ka nqane ha u na mariki. Nke ke ka ema khahlano le monna eo, ke hooa khahlano le eena. Hase eena. Ke koloi eo a leng ka har'a eona. O tla tsoa kotsi.

<sup>11</sup> 'Me ho batla ho le joalo ka mokhatlo. Ke nahana batho ba its'oarellang mekhatlong ena, eka hoja e ne e le Molimo, 'me ba tlohela Lentsoe la Molimo, ho its'oarella mokhatlong feela. Che, ha ba etsa joalo, ke ts'oha hobane ba tla etsa phoso e hlokolosi. 'Me hase hoba ke le khahlano le motho ka bomong, empa ke mokoroana a o palameng, le a bona, ke kholisehile o ke ke oa tsoella. Mokhatlo o ke ke oa tsoella, empa Kreste o tla khona. Ka baka leo tsoa feela—tsoa feela mokoroaeng o lutlang oa tsamaiso ea mokhatlo, ho kena Mokoroaneng oa Sione, Mokoroana oa khale o eso ka o hloloa ho fihla ka nako le ka mohla, Kreste.

<sup>12</sup> 'Me hoo, nahanang, ho tla mpha monyetla, ho buisana le banna bao.

<sup>13</sup> Joale, ke ile ka nahana, mohlomong... Bosiung bona, ke bosiu ba selallo. 'Me ke utloile hobane ba kolobelitse, ba tla boela ba eba le e 'ngoe. Ke rata ho theoha bakeng sa—bakeng sa selallo. Ke se fositse nakong e fetileng, ka ho ba sieo mona. Ke ile ka se fosa. 'Me ke tsebile hobane sena e ne e le Sontaha sa ho qala, ka baka leo ka etsa lithophiso tsa ho ba mona, ke tle ke kene selallong sa bosiu bona.

<sup>14</sup> Hoba ruri ke nahana e le ts'oanelo ea Mokreste e mong le e mong ho ja selallo. Bibebe e itse, "Ha le sa etse hona, ha le na kabelo le 'Na." 'Me ke lumela e le—e le nako ea makhaola-khang ho Bakreste. Ha re sa se je, ha re na kabelo le Eena. 'Me ha re se ja, ka mokhoa o sa ts'oanelang, eba re molato oa 'Mele le lefu la Kreste. Ka baka leo e fihla sebakeng seo e lulisang

Mokreste a rapetse, ha a atamela selallo. Eka khona re tle ka hlompho, ka ts'abo, ka ho khetheha, ho nyoloha, re ipolela litlolo tsa rona tsohle, re rapellana. Hase hoo feela, empa re lokela ho ikutloa... Ha ho ena le moena kapa khaitseli hara rona, eo re utloang a batla a fapohile mocheng kae-kae, eka khona lipelo tsa rona li imeloe sebakeng sa hae bosuong ba selallo, haholo-holo, ho ba bona, hore ba tla khona ho nyoloha 'me ba je selallo, ba tle ba se tsuoe le lefats'e. Hobane, ke baena ba rona le likhaiselsi.

<sup>15</sup> Joale, livekeng tse 'maloa tse fetileng, tse peli kapa tse tharo, liveke tse peli, ho ea ho tse tharo, ha kea bua haholo. Ke ne ke phomotse. Hoba sena eka sehlanyana sa ka sa phomolo, pejana ho—ho sekhhahla se seholo.

<sup>16</sup> Ho utloa Moena Neville a bua ka bolepi bona bo hara boralipolotiki le banna ba utloisisang lintho tseo ruri, mabapi le ntoa ea atomiki e haufi, e ka qala ka Ts'itoe ho fihla ho Pherekhong. Che, feela ke... Ho batla ho nepahetse. Ba e tlalehile, ho e qala, 'me ke libomo tse 'maloa feela, 'me ho tla be ho felile. Ka baka leo sechaba se ke ke sa phonyoha ntoeng ea atomoki. Re ne re sa tlo khona. Empa hoo ha ho ts'ose Mokreste, kapa ha ea ts'oanelia ho ts'osa Mokreste. Re ts'oanetse re be re lokile motsotsotso o mong le o mong, ho emela ho tla ha Morena oa rona. 'Me, oh, hangata, le a bona, lintho tsena...

<sup>17</sup> Taba ena ha ea hatisoa, ke mona hae feela. Ha ho teipi, ka baka leo ha u a lokela ho sheba seo u se buang, ka ho ea mothong e mong, kapa joalo. Ke batho ba lehae feela.

<sup>18</sup> Ke le bolella seo e sa le ke se etsa. Ke ne ke ntse ke tsoma mesamane ea lifate. 'Me, empa, ha kea sebetsa hantle haholo. Ha ho mesamane e mengata hakaalo. 'Me ha joale ke ea Alaska, ho tsoma linku.

<sup>19</sup> 'Me mohlomong bathong ba bang, boholo ba batho, u ke ke ua bua ntho eo teiping kapa nthong e 'ngoe, hoba ho na le batho ba bangata ba sa lumeleng ho tsoma, ho hang. 'Me, empa, kamehla ke lemohile, ke bao ba sa lumeleng ho tsoma, ak'u ba tlisetse leqa la nama feela, ba le khotosfalla hamonate ruri, le a bona.

<sup>20</sup> 'Me joalo ka mofumahali e mong, ka nako e 'ngoe, a na a mpolella. A re, "Moena Branham, u mpolella ha—ha u tsoma mebutla?"

<sup>21</sup> Ka re, "E, mofuma'li." Joale, ke bua ka moea o bohloko. O sa na ikele.

<sup>22</sup> 'Me a re, "Oh, ke bosaoana boo. Ha u a lokela ho thunya mebutla eo." Ka baka leo, he, ho se ho se... Le pele sehlala se feta mofumahali eo a re, "Na u ka ntlisetsa mebutla e 'maloa eo?" A re, "Ke linthoana tse monatjana tseo nkileng ka li ja."

Ka re, “Che, ke kholoa e le seo ke bitsang ‘tsebo.’” Le a bona?

’Me motho e mong a re, “U bolela’ng?”

<sup>23</sup> Ka re, “Mofumahali eo o ruile tsebo.” Ka re, “Tsebo ke motho ea se nang sebete sa ho bolaea moutloa, empa a u ja ha motho e mong a o bolaile. Ka baka leo kea kholoa ke seo—ke seo u ka se bitsang ‘tsebo.’” Oh, ke...ha ke...

<sup>24</sup> Ke motho ea baballang tlhaho. Ha ke lumele ho bolaea le ho senya. Ke ruta moshanyana oa ka, ba tsomang le ’na, “Le se ke la nka ntho efe feela eo le sa ikemisetsang ho e ja.” Le a bona? Le e tlohele. Le se ke la thunya nonyana e le tekele. Le a bona? Hoo ha ho a loka. Ha u na le tekele, e behe mono ’me u ntoo e thunya. U il’o ja phoofolo, joale he, e beiloe mono ka morero oo. ’Me ho e senya, ho ts’oana le ho senya ntho efe feela. Ha se hantle ho etsa joalo, ho thunya liphootholo e le—e le litekele.

<sup>25</sup> ’Me ha ke kena lithabeng, metsoalle, hakaalo hase ho nyolohela mono ho “ea tsoma.” Ke ea mono ho lula boinots’ing le Molimo. Bang ba lona, ha le ka hlokomela, boiphihlelo ba ka bo boholo boo nkileng ka bo fumana, keha ke tsoile ho ea tsoma, ha ke kopana le Molimo.

<sup>26</sup> Hara boiphihlelo ba ka bo bongata, ha ke eso fumane bo kang ba hoseng ho hong, hantle holimo mono, ke il’o tsoma mosamane oa lifate. Ke bone lintho tse ngata bophelong ba ka, mehlolo le meeka, le joalo. Empa hoo ha nkahlola ka matla ho feta ntho efe feela eo nkileng ka e fumana. Nahanang feela joale, ha letsatsi le se le ea chaba, pula e na, maru a opaneng a aparetse sebaka, le ho bona ka pela ho eme, ho nyoloha, ho tsoa ho kang mohope o lutseng holima leralla, ho lula mono, meookoli e meraro ea phahama ea ba ea phahama, ho fihlela u shoa bohatsu hohle ho fihlela u sa khone le ho bua. Le ho atamela haufi le Eona, le ho Mo utloa a bua ’me a thasisetsa oona Molaetsa oo u o rerang, e le ’Nete. Le a bona?

<sup>27</sup> Ha thoe, “Jesu oa Testamentse e Ncha ke Jehova oa ea Khale. O mpile a fetola lesira la Hae feela.” Chee, ka lula, ke balisia hoo. Ka fumana, lona lentsoe leo, moo A “fetolang sefahleho sa Hae,” ka Segerike, ho ne ho bolela, “ho fetola maske oa Hae.” E seng *lesira* la Hae hantle-ntle, empa “maske” oa Hae. Ho fihla sebakeng seo A ileng a “fetola,” le a bona, hoo ho bolela A “fetola mokhoa oa Hae.” E ne e le Molimo, Jehova. ’Me Molimo, Jehova, a Iphetola ho tsoa Moeeng ’me ea e-ba Monna! E sa le eena Jehova Molimo eo. Etsoe, *hoo* e ne e le Ntate, ’me *enoa* ke Mora, e leng Motho a le mong.

<sup>28</sup> Le kamoo, A mphileng seo nka se buang. Ha Morena a rata, ke ikemiselitse ho ema sefateng sona seo, hoseng, ha tsatsi le chaba. ’Me—me ke ts’epa A tla boela a iponts’ a ’na. Ke—ke

ts'epile A tla ho etsa, hore ke tle ke tsebe seo nka se etsang. Ke na le moroalo pelong ea ka bakeng sa batho. Ha ke bona hora e ntse e atamela 'me ke tseba hobane batho ha ba itokisa, le baratuoa ba ka, ha ke tsebe seo nka se etsang kapa ho se bua. Ke a nyoloha le ho ea bona, seo A tla mpolella sona. Ka baka leo le lule le nthapella.

<sup>29</sup> Ke ntoo tsamaea, hosane thapama kapa Labobeli hoseng. Moena ea kerekeng mona, le 'na, re ea British Columbia. 'Me ke tsoa le—le sehlopha sa bareri ba Mapentekosta. Le ts'ehelitsoe ka lichelete, leeto. Ha le nqose le peni. 'Me ba ts'ehelitse leeto ka lichele le ho fumana lesupatsela. 'Me lesupatsela ke moena oa Pentekosta ea tlatsitsoeng ka Moea o Halalelang. 'Me hape ke na le batho ba 'maloa bao ke lokelang ho ba kolobetsa ka Lebitso la Morena oa rona Jesu Kreste, balalli le—le lintho ke sa le holimo mono, balalli ba maNorway le joalo-joalo, ba seng ba, ka liteipi tsena tse tsoileng, ba bone Leseli, 'me ba batla ke ba kolobetse ka Lebitso la Jesu Kreste.

<sup>30</sup> 'Me hlooho ea Kopano ea Bareri ea British Columbia, ke tla kopana le eena mantsiboea a Mogebelo o tlang Pine Lodge mane Dawson Creek, British Columbia. 'Me o lapetse le ho nyoreloa ho kolobetsoa ka Lebitso la Jesu Kreste.

<sup>31</sup> Ka baka leo, le a bona, hase ho tsoma feela, metsoalle. Ke batla ho kolobetsa lesupatsela lena, le moreri ka mong ea tsamaeang le 'na khetlong lena, ka Lebitso la Jesu Kreste. Lona le nthapelle. Le a bona? Etsoe, ke tseba hobane ke 'nete, ho lapisa le ho nyorisa pelo ea ka ho bona Molimo.

<sup>32</sup> Joale, pele re atamela Lentsoe, nke ke ka nka nako ea lona e ngata, ha e se ho se hokae ho tsoa Lengolong le itseng, hofihlela re fumana sebaka, ho fumana moo re ka rapelang. Le ho fumana...

<sup>33</sup> Ke lumela ho na le motho ea emeng mona. [Moena Branham o khutsa nakong eo motho e mong a buang ho tsoa phuthehong—Mong.] Ke—kea, nts'oareleng, na e builoe ke motho ea haufi? Ha kea utloa seo moena...[Motho o re, "O batla ha u ka hlohonolofatsa lesea la hae."] Ho hlohonolofatsa lesea la hae? Ehlile, moena' ka. E, monghali. Nyoloha le lesea la hao hantle. Re tla thabela ho etsa hoo.

<sup>34</sup> 'Me, joale, ke—ke lumela tabeng ena. Joale, e le hore ke tle ke e hhalosetse batho pele ba tla.

<sup>35</sup> Na Moena Arnold o teng? Teddy? [Moena o re, "E."—Mong.] Ho lokile. Ha u ka tla pianong ho re thusa.

<sup>36</sup> Joale, batho ba bangata bafafatsa masea ana, 'me ba e bitsa kolobetso ea masea. Joale, ha kereke ea hao e etsa hoo, hoo, ho itoketse. Empa, u a bona, ha ba etsa hoo, ke ka taelo ea kereke. Hase Lengolo. Lengolo ha le ts'ehetse kolobetso ea lona ea ho fafa....

<sup>37</sup> Lengolo ha le ts'ehetse hofafatsa, ka mokhoa ofe feela. Ha ho motho le a mong ea kileng a fafatsoa, ka Bibeleng. Bao, e mong le e mong, ba kolobelitsoe ka ho qoelisoa ka Lebitso la Jesu Kreste.

<sup>38</sup> Empa, joale, lesea, ka Bibeleng, ba ne ba ba tlisa le ho ba hlohonolofaletsa ho Morena. Ba tlisa bana ba banyenyane 'me ba ba hlohonolofaletsa ho Morena, ba ba bea matsohong a Morena Jesu.

<sup>39</sup> Ho itoketse, khaitseli, u ka tlisa mothoana oa hao. Le ba bang bohole, ba ts'oereng bathoana ba bona, ba batlang ha ba hlohonolofatsoa, khele, re tla thabela ho etsa hoo, ho ts'oara ts'ebeletso e nyenyane ea masea a rona. Joale, Jesu, Lengolong, e...

<sup>40</sup> Joale, mona kerekeng, re na le mekhatalo e kopaneng ea mefuta eohle. E meng ea eona, Protestanta, ba bang Katolike, eksitana ho ena le Bajude ba kenang mona, bao ke Bajuda ba thuto ea Molao. Ke ka hona re ipitsang re tiile hore re "akaretsa liphutheho tsohle."

<sup>41</sup> 'Me joale, hore le tle le utloisise, re a leka, ka—ka kerekeng ena, ho ba kereke e tsamaeang ka Lengolo, ho lula le Bibebe feela. Hoohle moo Bibebe e buang taba, re latela hoo hantle ka mokhoa oo. Joale, kereke ea ho qala, le Bakreste bohole le lona bareri le tla lumela hore Ena ke nalane ea Kereke ea pele. Bohle re tseba hoo. Ena ke eona hantle ntho e etsahetseng.

<sup>42</sup> Ke ne ke bua le moprista, moprista oa Katolike ea lulang holimo mona tseleng, mohlamonene. 'Me a re, "Mongh. Branham," ho re, "ana ha u—u Mokatolike kapa Moprotestanta?"

Ka re, "Ke Moprotestanta."

A re, "Ho bolelang hore u a re hanyetsa."

<sup>43</sup> Ka re, "Che, monghali. Ha ke hanyetse—hanyetse batho, ke—ke kereke, thuto ea kereke."

A re, "Joale he, uena, u ipitsa Mobaptise kapa Mopresbeteriene?"

Ka re, "Che, monghali. Mokreste feela."

<sup>44</sup> 'Me a re, "Be, moralo oa thuto ea hao u o rala kae? Ho ka ba Mokreste, u tla lokela ho ba le motheo oa ho rala thuto."

Ka re, "Hoo ke 'nete." Ka re, "Ke Bibebe."

"Be," a re, "eo ke nalane ea kereke ea Katolike."

'Me ka re, "Be, ana ke hore, baapostola e ne e le makatolike?"

A re, "E, monghali."

<sup>45</sup> Ka re, "Ke hantle. Ke tla lumela hore hoo ho lokile." A... Ka re, "Ebe joale hobaneng le uena u sa lule Lengolong?"

<sup>46</sup> A re, "U a bona, Kreste o file kereke matla a ho fetola Lengolo nako le nako ha ba batla ho etsa joalo."

<sup>47</sup> “Be,” ka re, “e tla ba le Le fetotse, ’me u ts’oere seo le se ts’oereng kajeno?”

A re, “E, monghali.”

<sup>48</sup> Ka re, "Ka hona, ke batla ho u botsa taba. E tla ba Kreste ha a Le thabela, hoba O ts'etse Moea o Halalelang holima Kereke ea pele. Ba ne ba folisa bakuli, 'me ba tsosa bafu, le ho leleka matemona, 'me ba etsa mehlolo e meholo, e matla, tlasa Thuto ea Kereke ea pele ea Katolike. 'Me hoo ha ho eso bonoe ka hara kereke ea Katolike ho tloha mohla ba fetolang Thuto."

<sup>49</sup> Joale, ha re khutleng 'me re fetoheng katolike ea pele. Ha re khutleng 'me re fetoheng seo Bibebe e ba boletseng ba ne ba le sona. Kreste o ne a tsamaea le bao. Ke ka lebaka leo, metsoalle, re sa lekeng ho ahlola kereke efe kapa efe, mang feela oa batho ba ka hara likereke, empa re leka ho e baballa joalo kaha Bibebe e boletse.

<sup>50</sup> Joale, ka hara Bibele, ha ho lesea le kileng la kolobetsoa. Ha ho lesea le kileng lafafatsoa, hohle Bibeleng. Empa moo e leng ka hara Bibele ke mona, ho re, "Ba tlisa bana ba banyenyane ho Jesu, hore A tle a behe matsoho a Hae holima bona le ho ba hlohonolofatsa." 'Me A re, "Lesang bana ba tle ho 'Na, 'me le se ke la ba thibela, hoba 'Muso oa Molimo ke oa ba joalo ka bona." Joale hoo ho ke 'nete ruri. Joale, ha ho le joalo, re tlisa bana ba banyenyane le ho ba neela ho tsoa matsohong a 'me, kapa ntate, ho Ntat'a rona ea Maholimong, le ho ba nyehela hlohonolofatsong, ka bots'epehi bo shoeleletseng.

<sup>51</sup> Bana ba ka, ke na le ba babeli, le joale, ba esong ho ka ba kolobetsoa ho fihlela joale, hoba ba sa hlohonolofalitsoe feela. Ke na le lesea Khanyeng, ea neng a hlohonolofalitsoe feela, a sa kolobetsoa.

<sup>52</sup> Hobane, kolobetso e etselitsoe ts'oarelo ea sebe, le a bona, ho bont'sa hobane u bakile. Lesea leo ha lea etsa letho leo le ka le bakelang. Ke lesea, le tsoetsoeng lefats'eng mona. Ha le na matla a ho tla lefats'eng mona, le a bona, 'me ha le na libe. Mohla Kreste a na a shoa Sefapanong, O shoele ho tlosa sebe sa lefats'e. Ho fihlela lesea lena le entse seo le ka se bakelang, Mali a Jesu Kreste a etsa pheko.

<sup>53</sup> Empa joale 'me le ntate, batsoali, ba na le tokelo ea ho tlisa lesea, le ho boela le nyehela ho Molimo, lesea leo ba le filoeng ke Molimo.

<sup>54</sup> Anna ka hara tempele. O ne a ts'episitse. E ne e le nyopa. O ne a tsofetse. O ne a se na bana. A rapela ka bots'epehi bo bokana aletareng, moprista a ba a tsoa a mo qosa ka botahoa. A hoeletsa 'me a lla, aletareng, hore Molimo a mo fe lesea. 'Me a re, "Molimo, ha U ka mpho lesea, ke tla le khutlisetsa nqalong ena 'me ke le neele ho Uena."

<sup>55</sup> Bomme, ke kamoo u fumaneng lesea la hao. Ke Molimo ea u fileng lesea la hao. Ho joalo feela kaha A file Anna lesea la hae. 'Me joale bosiung bona le khutlisetsa masea a lona, tempeleng, joalo kaha Anna a entse ka Samuele e monyenyan, le eena, ts'ebpletsong ea hlohonolofatso. Joale, re hlohonolofatsa le ho boela re u fa lesea la hao, ka thapelo, ho Molimo ea u fileng lona. 'Me ke rapela hore bashanyana bana le banana ba emeng mona bosiung bona, e tle e be baporofeta le baporofeta ba basali joalo ka Samuele, oa khale, ho Morena, bao le boelang le ba khutlisa.

Joale, ha lets'oele le ka inamisa hlooho tsa bona motsotso feela.

<sup>56</sup> Molimo o lerato le fetisisang le o mosa, re atamela terone ea Hao ea mohau le lerek, horeng ena, bakeng sa moloko o tla latela hoba re tsamaee. Mathaka a manyenyane ana a emeng, 'me ba ba ts'oere—ba ba ts'oere. Ba ts'oeroe, bosiung bona, matsohong a bomm'a bona le matsohong a bontat'a bona. Ke peo ea morabe oa hosasa. Ho etsa bonnete ba hore ba qala hantle, bomme bana le bontate ba tlisa bana bana holimo mona ho hlohonolofatsoa, ho neela maphealoana ho Molimo o phelang.

<sup>57</sup> Ntate, 'na le molisa re tsoela ka pele mona, le ho U neela bana bana thapeleng ea hlohonolofatso. Ba hlohonolofatse, Ntat'a rona. Re U rapela ho ba hlohonolofatsa, ho ba bahlanka ba Hao ba banyenyane. Ba ke ba phele halelele, maphealo a thabileng lefats'eng mona, le ho bona ho Tla ha Morena Jesu. E seng hoo feela, ba ke ba phele bophelo bo bolelele, bo botle, bo thabileng, 'me e be basebeletsi ba Hao. Ak'u ba tataise. Ak'u hlahise bareri, libini, baevangeli, baromuo, ba hosasa, ho tsoa baneng bana, ha tsatsi la hosasa le le teng. Fana ka sena, Morena. Re tla ba hlohonolofaletsa ho Uena ka bokhoni bohole ba rona, ho latela Lengolo la Hao leo U re sietseng lona, Lentsoe le Halalelang.

<sup>58</sup> Etsoe, ho ngoliloe Bukeng ea ho qetela ea Bibele, "Molimo o tla hlakola Bukeng ea Bophelo, motho ea tla tlosa Lentsoe le leng Mona, kapa a eketsa lentsoe le le leng ho Eona." Re a elelloa, ke hona, hore Bibele ke Lentsoe la Molimo le khethelhileng. 'Me re ke ke ra eketsa ntho e le 'ngoe ho Lona, kapa ra tlosa ntho le e 'ngoe ho Lona. Ha ho le joalo, Morena, re Le tlohela le le kamoo U re sietseng Lona kateng, le ho Le ruta, le ho leka ho Le phela, ka mohau oa Hao.

<sup>59</sup> Joalo kaha, re hlohonolofatsa bana bana, ba sa ba tlisitse ho Jesu joalo ka mehleng e fetileng. Hola A le lefats'eng bosiung bona, ka sebopheho sa 'mele, bomme bana le bontate ba ne ba tla titimela maotong a Hae, le ho tlisa bathoana bana. 'Me O ne a tla bea matsoho a Hae holima bona le ho ba hlohonolofatsa. U lutse letsohong le letona la boholo bo Holimo, bosiung bona, Morena

Jesu. 'Me re siiloe mona, joalo ka mosebeletsi oa Hao. Re tla bea matsoho a rona holima bona, ka thapelo ho Uena, hore U tle u ts'oare mapheлоana a bona le ho a sebelisa khanya ea Hao. Ka Lebitso la Jesu Kreste, re a e kopa. Amen.

*Ba Tliseng.* [Moletsi oa piano o qala a letsa *Ba Tliseng*—Mong.]

<sup>60</sup> U ts'oere mothoana e monyenyan? Lebitso la hae ke mang? John. Seboko sa hao u mang, khaitseli? ['Me o re, "Meyer."—Mong.] Meyer. Oh! Enoa ke John Meyer e monyenyan, mothoana eo re neng re mo rapella bohle, tsatsi le leng. Ke enoa moo a teng, o na le rona, bosiung bona.

Ha re inamiseng hlooho tsa rona.

<sup>61</sup> Morena Jesu, ere 'na le molisa oa Hao re sa eme 'moho, bosiung bona, ho nka matsohong a 'me enoa, leseanyana lena, ka ntate ea shebileng. Ka litaba-tabelo tse kholo ka mothoana enoa, matsatsing a tlang. Joale ke neela John Meyer e monyenyan, ho Uena, Morena, bakeng sa ts'ebeletso ea Hao. Ka Lebitso la Jesu Kreste, re mo khethela Molimo. Amen.

<sup>62</sup> Molimo a u hlohonolofatse. Molimo a hlohonolofatse mothoana eo. Ho 'moloka a thabile, ho ba...?....

<sup>63</sup> Qetellong, le fihlile. Ke nahana u ne u atamelitse thakanyana leo haufi ka nako e le 'ngoe, empa ha kea ka ka tseba. Lebitso la hae ke mang? ['Me o re, "Elisabeth Collins."—Mong.] Elisabeth Collins. Ke hantle. Kea mo tseba; a ka le liha. Kea tseba. Le a bona? Empa Elisabetho Collins e monyenyan.

Na re ka inamisa hlooho tsa rona.

<sup>64</sup> Ntate ea Maholimong, fetola Anna enoa e monyenyan. Mo etse lekhabunyane la Morena. Mo hlo'nofatse. Hlohonolofatse 'm'ae le ntate, ka hara—ka hara lelapa la bona. 'Me a ke a phelele khanya ea Molimo. Fana ka sena, Morena. Re u abela, Elisabeth Collins, hlohonolofatsong ea bophelo ba hae. Ka Lebitso la Jesu Kreste. Amen.

Molimo a u hlohonolofatse.

<sup>65</sup> Kea ipotsa u ka phahimetsoa kalaneng na? U ka khona? Lebitso la hae ke mang? ['Me o re, "Davonna Gayle Stayton."—Mong.] Davonna Gayle ["Stayton."] Stayton. Ke lona. Davonna Gayle.

<sup>66</sup> Enoa ke Davonna Gayle Stayton e monyenyan. 'M'ae le bao ba sa tsoa tla kerekeng, ba se ba...ho amohela Moea o Halalelang, ho kolobetsoa.

Ha re inamiseng hlooho tsa rona.

<sup>67</sup> Ntata rona ea Maholimong, re tsota sebete sa 'me e mocha enoa le ntate, ka ho tla ha mosali, kamoo a tlileng, le khatelopelo a e fihletseng. Kamoo U hlohonolofalitseng, lipelo

tse ncha tsena tse bonolo. Re U neela moratuoanyana enoa, U tle u hlohonolofatse 'phelona ba hae, Morena. 'Me e ke ebe lekhabunyane la hao. Hloholofatsa ntat'ae le 'me, 'moho. A ke a holisetsoe lapeng la Bokreste kamehla, tlasa ts'abo ea Molimo. Re U neela eena, ka Lebitso la Jesu Kreste. Amen.

<sup>68</sup> Molimo a u hlohonolofatse, Davonna Stayton e monyenyanne. Molimo a u hlohonolofatse, Moena Stayton.

<sup>69</sup> U phela joang, mothoana ea mosa? U ka tla koano, motsotsa feela? Heh? Na nka... Ema mona hantle, moratuoa, hantle mona. Lebitso la hae ke mang, moena? [Moena o re, "Hannah."—Mong.] Moena Creech... Ha nyenyane... Ee-ea. U Allen e monyenyanne. U bua hantle hakakang, u a bona. Be, enoa—enoa ke Hannah Creech e monyenyanne. Mohlomong a ka ntumella ho mo nka. Ke ngoananyana e mosa.

Ha re inamiseng hlooho tsa rona.

<sup>70</sup> Ntate ea Maholimong, re U neela leseanyana lena, joale le maotong a 'm'a lona. 'Me rea rapela, Ntate ea Maholimong, hore U tle u mo hlohonolofatse le ho fetola bophelo ba hae sebetsa 'Musong oa Hao. Hloholofatsa ntat'ae le 'me. Ngoana a ke a holisetsoe lapeng la Bokreste, ts'abong ea Molimo. Re bea matsoho a rona holima hae le ho mo hloholofaletsa ho Uena, bophelo ba hae bo bocha, e le ts'ebeletso ho Uena. Ka Lebitso la Jesu Kreste. Amen.

Hlohonolofatsoa, hoseng hona. Hlohonolofatsoa!

<sup>71</sup> Ha a tle na? Lebitso ke mang? Eng? Don? ["Don...?... Benjamin."] Benjamin. Benjamin. [Hantle. Benjamin e monyenyanne.] Enoa ke Benjamin...?... ["Ke hantle."] Moena e monyenyanne le khaitseli.

Ha re inamiseng lihlooho tsa rona.

<sup>72</sup> Ntata rona ea Maholimong, re sa U neela moratuoa enoa e monyenyanne, empa o sa le mocha haholo, Morena, ho tseba se etsahalang. Empa Uena U tseba lintho tsohle. Re u rapela ho hlohonolofatsa 'phelona ba hae, Morena. Hloholofatsa lapa la'bo. 'Me, Morena, thakanyana lena le ke le phelele khanya ea Molimo, bophelo bo lokileng, bo bolelele bo thabileng; ha ho ka etsoa, ho bona ho Tla ha Morena Jesu. Fana ka sena, Morena. Re mo hlahonolofaletsa ho Uena, ho U sebeletsa, ka Lebitso la Jesu Kreste. Amen.

<sup>73</sup> 'Me e ne e le... [Motho o re, "Moshanyana."—Mong.] Ke mothoana ea mosa eo. Le a bona? Benjamin...?... Khele, ke moshanyana e mo kakang enoa! Khele!...?... Oho, banna!

<sup>74</sup> Joale, shebang. Mothaana enoa o mo talimile ka hloko. Ke ne ke mo nkile. Lebitso? [Ntate o re, "William Davis."—Mong.]...?... William Davis e monyenyanne. Ruri ke thakanyana le ratehang, hantle, pela thakanyana leo.

Ha re inamiseng hlooho tsa rona.

<sup>75</sup> Moren Jesu, re U neela, moshanyana ea ratehang, ho U sebeletsa. Ntate le 'me ba mo tlisa, Morena, a tle a sebelisetsoe khanya ea Molimo. Joale, ha ho le joalo, Morena, ha re bala matsatsing a fetileng, O ile a bea matsoho holima bana ba kang bana le ho ba hloholofatsa. Matsoho a rona a fokola haholo ho tlatsa sebaka sa a Hae. Empa re kopa ka Lebitso la Hae, le ho U neela lesea lena, bakeng sa bophelo ba ts'ebeletso, ka Lebitso la Jesu Kreste. Amen.

Hlohonolofatsoa! [Ntate o re, "Hlohonolofatsoa, uena molisa."—Mong.]

<sup>76</sup> Mof. Bowers...?...Mona, moratuoa, lebitso la hao ke mang? Oho, banna! [Motho o re, "Sussie. Sussie o na le lebitso."—Mong.] Bonang ha eba a ena le lebitso. Ke tla thabela ho u nka. U moshanyana ea lokileng. Sussie Bate e monyenyanne.

Ha re inamiseng hlooho tsa rona.

<sup>77</sup> Ntate ea Maholimong, ngoananyana enoa ea mahlo a phatsimang...?...Ha ho tsejoe se robetseng ka pele tseleng; ha ho le a mong oa rona ea tsebang. Empa, ntate le 'me, ba 'matla a lutse tseleng e patisaneng le e ts'esane. 'Me sebetsa se settle se ts'oanang le sena, kamoo Satane a ka ratang ho se reketlisa. Empa ba mo tlisitse, Satane a tle a lelekeloe hole le lona. Pata 'pheloana ba hae, Morena, bakeng sa ts'ebeletso ho Uena. Ka Lebitso la Jesu Kreste re kopa hoo. Amen.

Molimo a u hlohonolofatse, ngoananyana!...?...Ho lokile.

Ba tliseng, ba tliseng,  
Ba tliseng ho tsoa thoteng tsa sebe;  
Ba tliseng, ba tliseng,  
Tlisang ba banyenyane ho Jesu.

<sup>78</sup> Oho, kamoo...Na ha le rate bana ba banyenyane? Ha batho ba sa rate bana ba banyenyane, phoso e teng. Jesu o itse, "Ekare ha le sa sokolohe la ba joalo ka ba banyenyane bana, le ke ke la kena 'Musong.' Ha ho motho.

<sup>79</sup> Ntate o na le banananyana ba babeli morao mane, le joale, a na a batlile ho ba tlisa. Ke ile ka re ho eena, "U ka tsoele pele hantle ho ba tlisa." Le a bona?

<sup>80</sup> "Ekare ha re sa sokolohe 'me ra ba joalo ka bana ba banyenyane bana." Lea tseba ke'ng? Le ka utloisa maikutlonyana a bona bohloko. Ntate le 'me ba tseba, hangata ba kena mathateng, ba patlotsoe. Khele, metsotsong e 'meli, liphakana tsa bona li se li u kopetse, 'me ho lebetsoe kahohle. 'Me re lokela ho etsa joalo. Ho sa tsotelehe se etsahalang, re lokela ho ts'oarela le ho ba mosa, ho e mong, le—le—le ho ba joalo, joalo ka bana ba banyenyane, ho ikemisetsa ho—ho ts'oarela le ho lebala, le—le joalo. Ke seo re—re tlamehang ho se etsa. 'Me ha re etsa joalo, re haufi le 'Muso oa Molimo he.

<sup>81</sup> Ke lumela bananyana ba babeli ba batla ba le lihlong. 'Me le ntate ba tla lokela ho nyoloha le bona. Be, ho hotle haholo. Re mpa re rata hoo. Re rata banananyana ba lihlong. Hase khafetsa u bonang a le mong ea ka... Oh, bana ke libininyana tseo. Ha ho joalo? Na ke bona ba binang? Ke itse ke bona. Ho lokile, monghali.

<sup>82</sup> Joale, lebitso la hao ke mang? [Ngoanana o re, "Ruth."—Mong.] Ruth. Ho ho hotle haholo. Ruth ke lebitso le letle. Kea le rata, ho le rata haholo ruri. Joale, 'me seboko seo ke mang? Ke... [Motho o re, "Myers."] Myers, Ruth Myers e monyenyanane, ke e mong oa libini tsa rona mona. Ke mafahla? Ba ts'oana haholo, ha ho joalo?

<sup>83</sup> Ntata rona ea Maholimong, re U neela ngoanana enoa, eo ntate le 'me ba reng ha a eso ho ka a neeloa ts'ebelesto le 'Muso oa Molimo ka mokhoa ofe feela. Re Bea matsoho holima Ruth e monyenyanane, bosiuung bona, Ruth Myers e monyenyanane, 'me re kopa hore Matla a Molimo o Matlaohle, O mo fileng talenta ea ho bina, a tle a tsoele pele ho mo hlohonolofatsa. 'Me bophelo ba hae bo ke bo khetheloe Uena, matsatsi a hae ohle lefats'eng mona. Re U abela eena, ka Lebitso la Jesu Kreste.

<sup>84</sup> Lebitso la khaitselinyana ke mang? Loyce? Ho lokile, Loyce e monyenyanane. Khele!

<sup>85</sup> Ntate ea Maholimong, re Bea matsoho holima Loyce e monyenyanane, le eena o na le talenta ea ho bina lilemong tsa bocha, ho bina Evangel. Hlohonolofatsa litalenta tsa bana bana, Morena. 'Me joale maphelo a bona a neeloa Uena, ke batsoali ba bona. Hang-hang, Morena, ba tla be ba holile ho lekana ho kolobetsoa. Ha ba qala—qala ho elelloa se phoso, le lintho, le ho qala ho etsa phoso, eba ba ts'oanelia ho baka le ho kolobetsoa. Ho fihlela nako eo, Morena, re ba hlohonolofaletsia ho Uena. U ke u sebelise litalenta tsa bona tlotsisong ea Hao. Sebelisa bophelo ba bona, ho phela halelele, maphelo a thabileng, ho U sebeletsa. Re hlohonolofaletsia ngoananyana enoa ho Uena, ka Lebitso la Jesu Kreste. Amen.

<sup>86</sup> Molimo a u hlohonolofatsa. Tsamaea, 'me Molimo a be le uena, le ho u hlohonolofatsa nthong e 'ngoe le e 'ngoe eo u e etsang.

Ho lokile, Moena Neville.

Oh, ke—ke nahana feela ba le batle haholo! Ke...

<sup>87</sup> Barali ba ka ba hola joale, ka baka leo joale ke lokela ho... Ke ne ke ee ke ba pepe. Empa joale ba ka mpepa, ba baholo ha—ha kaalo; Becky, haholoholo, ngoanana e moholo.

<sup>88</sup> Joale ha re phetleng Lentsoe la Morena, ho Mattheu oa 15... kapa khaolo ea 5. 'Me re tla bala seratsoana, 'me ke ntsoo nts'a mona, ha Morena a rata, metsotso e ka bang leshome le metso e mehlano, e mashome a mabeli. Re ntsoo ts'oara selallo,

le hlatsuo ea maoto, le ts'ebeletso ea kolobetso, ho tla re nka mohlomong ho fihla mane ho mashome a mararo ka morao ho robong, ebe, kapa hamorao, ho qeta. Ke rata ho qala khaolong ea 5, temaneng ea 12.

*Thabang, le hlasimolohé ka ho fetisa: hobane moputso oa lona o tla ba moholo leholimong: hobane ba hlorisitse joalo . . . baporofeta ba bileng teng pele ho lona.*

*Le letsoai la lefats'e: empa e ka re ha letsoai le tapa, le ka nokoa ka'ng? ha le sa na mosebetsi ho tloha mohlang oo, le se le ka mpa la lahleloa ka ntle, la . . . hatoa ke batho.*

*Le leseli la lefats'e. Motse o beiloeng holima thaba ha o na ho patoa.*

*Lebone le lona ha le hoteletsoe, ho kengoa tlasa morula, empa kandelareng; le tle le bonesetse bohole ba leng tlung.*

*Leseli la lona le ke le khanyetse batho joalo, ba tle ba bone mesebetsi ea lona e molemo, 'me ba rorise Ntata rona maholimong.*

<sup>89</sup> Ke rata ho qotsa e—e sehlooho temaneng eo ea ho qetela, e leng temana ea 16: *Leseli La Lona Le Ke Le Khanyetse Batho Joalo*. “Leseli la lona le ke le khanyetse batho joalo, ba tle ba bone mesebetsi ea lona e molemo, 'me ba rorise Ntata lona ea Maholimong.”

<sup>90</sup> Re fumana, Lengolong, ho na le libaka tse peli moo banna ba babeli ba fapaneng ba buang ka ho beoa ea lokileng. 'Me e mong oa bona e ne e le Pauluse, 'me e mong e le Petrose. Mohalaleli Pauluse, le Mohalaleli Petrose: 'me Pauluse o na a bea Abrahama ea lokileng ka tumelo, 'me Petrose o ne a 'mea ea lokileng ka mesebetsi. Petrose o boletse a ile a beoa ea lokileng ka mesebetsi ea hae. Pauluse o boletse a ila a beoa ea lokileng ka tumelo ea hae. Joale, ba ne ba sa hanyetsane. Ba ne ba shebile ka mahlakoreng a mabeli a fapaneng. 'Me Pauluse o ne a bua ka tumelo ea Abrahama, ke seo Molimo a na a se bona ho Abrahama. 'Me Petrose o ne a bua ka mesebetsi ea hae e buang ka tumelo ea hae. Joalo kaha ho ngoliloe ho theo, “Mponts'e he mesebetsi ea hao ho se tumelo ea hao, 'me 'na ke tla u bonts'a mesebetsi ea ka ka tumelo ea ka.” Joale, ha ho le joalo, Pauluse, ka ho bona se neng se bua, le seo Molimo a neng a se bona. 'Me Petrose a bua ka seo motho a neng a se bona, 'me, hobane, hoba ha motho a na le tumelo, o tla e etsisa. Bophelo ba hae bo tla e bonts'a ba bang.

<sup>91</sup> Ka baka leo, ke tla bua ka hoo, bosiusing bona, “Ho khants'a Leseli la lona.”

<sup>92</sup> Joale, metsotsong e 'maloa ena feela, ha ke batle ho nyolohela holimo mona e le feela ho bonoa kapa ho utluoa. Ho

sla be ho sa nepahala. Empa, mohlomong, ha Molimo a ka nthusa, mohlomong re ka bua mantsoe a 'maloa ho ea nthong e ka re hahisang, e tla re thusa bohle, kamoo re ka ntlafatsang le ho phela maphelo a molemo ho feta. Ke kholoa e le seo bohle re leng mona ka sona, ke ho amohela tokiso le ho fumana kutloisiso ea seo re ka se etsang ho re fetola Bakreste ba molemo ho feta. Ke na le takatso e le 'ngoe feela bophelong ba ka, ke ho ba Mokreste e molemo ho feta eo ke leng eena. 'Me ke lumela seo e le sello sa moea o mong le o mong o mona bosius bona, ke ho ba Mokreste e molemo ho feta.

<sup>93</sup> Hase khale haholo, ha ke ne ke theoha ka tsela, 'me ke qhoba ka lebelo le holingoana, 'me ka tloaelo ke shebile ha ke ntse ke tsamaea, ka bonna, ke ntse ke qhoba. 'Me tsela e bolutu ha u qhoba u le mong. U ke ke ua bulela seea-le-moea, ho se na likhokahano tsena tsa malapa moo u ka fumanang 'mino oa borapeli, kahobane tsohle e le lintho tse tla leleka Moea ho uena.

<sup>94</sup> 'Me hohle moo ke eang teng, hoba ke tsofale ho se hokae, khele, ke nka papetlana ea pampiri. 'Me ha Morena a nts'enoleta letho, ke le ngoapa fats'e. 'Me ke bile ke ngotse molamu oa sethunya sa ka, morung, ka tholoana. Le lintho tse joalo, e le feela ho fumana mohopolo oo ke o tlisetsoang. Ho khomarolla lets'ao liaparong tsa ka, kapa ntho e 'ngoe, le ho ngola holima lona. Ntho e 'ngoe, ho hopola Molaetsa kelellong ea ka.

<sup>95</sup> 'Me ha ke ntse ke khanna, ho theoha ka tsela, ka lemoha letlapahali le lettle la papatso. 'Me ka tloaelo, le a tseba, ba maneha lintho tse ngata matlapeng ana a papatso, empa ka se ke ka bona lintho tseo letlapeng lena le itseng la papatso. Ka tloaelo ba Bea lits'oants' tsa-tsa basali ba sa aparang ka botlalo, kapa ntho e 'ngoe e sele, ho thaothela mofuta oa lisakrete, kapa-kapa wiski, kapa biri, kapa ntho e 'ngoe, matlapahali a phatsimang a papatso. Empa ho makaleng ha ka, ha ke habanya hang, la hula maikutlo a ka, hoba le ne le sa khenathisoa lits'il a tsa horen. Mooa o le sieo holima lona. 'Me ka sheba morao, ho bona.

<sup>96</sup> E ne e le letlapa le lettle. 'Me le beiloe tulong e ntle, mono hantle, ha u thinya koung ena, u ke ke ua sitoa ho bona lets'ao. 'Me ho makaleng ha ka, ho ne ho ngoliloe lentsoe le leng ho lona, "U lapile?" Feel, "U lapile?" Ke phetho se neng se le mono. Eaba ke hlokomeila mongolo o monyenyanne tlase maotong a letlapa, ho thoe, "Limaele tse tharo ka pele." "U lapile? Limaele tse tharo ka pele."

<sup>97</sup> Be, ka qala ka balisia hoo. Batho ba ne ba se hakaalo...Ka tloaelo, ha ba ena le reshurente ka pele, ba-ba leka ho rekisa ho feta thaka le leng; sets'oants'o, maqa a maholo a lutlisang mathe, le joalo-joalo. 'Me ha u kena,

hangata ha u fumane ntho e kang eo ba e bapalitseng, empa feela e le—e le papatso. Empa ena ea bonahala e ena le katamelo e fapaneng.

<sup>98</sup> 'Me rea tseba hobane letsatsing leo re phelang ho lona, ho bapatsa ho a putsa. 'Me re fumana, hobane, batho ba hatelang pele haholo khoebong ke—ke banna ba baholo ba papatso. Ba—ba e hlahisa thelevishining. Ba e maneha matlapeng, hohle moo ba ka khonang, ho thaotela lihlahisoa tsa bona. "Tsuba sena; ha u hohlole le koloing e tletseng." Le, "Sefe ea monna ea kelello," le keletso ea monna ea itseng, kapa ntho e kang eo. Ka... 'me le... "Eba mahlahahlaha, halelele," ka biri ea bona. Le lintho tse kang tseo, ke papatso. 'Me ba hlakola lekhetho la bona le le ngata, bakeng sa papatso feela. 'Me ruri hoo ho a putsa.

<sup>99</sup> Ka baka leo ha ho putsa, ka seo, ka qala ka nahana, "Ebe hobaneng Bokreste bo sa putse ha bo bapalitsoe?"

<sup>100</sup> Che, ka nahana, ebe, "Ebe—ebe papatso ke eng?" U tlamehile ho ts'oara ntho e batlang e fapanè le eo ba bang bohle ba e ts'oreng, ho seng joalo ha e qapakile feela, joalo ka lintho tsa lefats'e, e ke ke ea hula maikutlo a batho. Joale, hola motho a ne a batla sepalangoang, a ka be a fetile sets'oants'o seo. Empa ha eba a ne a lapile, a ka be a batlana le lets'oao leo.

<sup>101</sup> Ka baka leo ke lumela hobane Mokreste ke letlapa la Molimo la litsebiso. Ke lumela hobane e mong le e mong oa rona ke letlapa la Molimo la litsebiso. 'Me ha rea lokela ho tsoella hakana ka eona, kamoo re etsang kateng. Phela feela bophelo bo tla etsa batho ba lapele ho ts'oana le uena.

<sup>102</sup> Joale, ka hlokomela letlapeng lena la litsebiso, ho lena le ikhethang, le ne le sa itseke ka letho, le letho, ha e se ho botsa potso, ana u "Lapile?" 'Me u ke ke ua rekisetsa motho mang kapa mang ho ja letho ba sa lapa. Ntho ea pele eo papatso eo e etsang, motho ea fetang o tlamehile ho e bona.

<sup>103</sup> Joale, mokhoa feela oo lefats'e le tla bona Kreste le ka mohla keha eena, bona, ba E bona ka ho 'na le uena. Ke oona feela mokhoa oo ba ka bonang Kreste le ka mohla. A bona—matsoalo a bona a shoele bohatsu ha a bone letsatsi le likelang, mololing oa linonyana, mahlakung, le—le joannng, le lipalesa; le 'mino, le Molaetsa le joalo—joalo, e leng tseo re li thabelang ka mora ho fumana Kreste. Empa, ho fihlela sebakeng seo re pepesang Kreste!

<sup>104</sup> Joale, le hopole hoo. E mong le e mong oa lona, ho qala ka bosiu bona ho tsoella, hopola, le matlapa a Molimo. 'Me le—le liagente tse bapatsang Molimo. Joale, lefats'e le tla le sheba, ho bona seo Kreste a leng sona. Ka baka leo ha re batle ho maneha nthohali e kgolo mono, tse pakang ntho eo re seng eona ruri. Re mpe re fetoha hoo pele. Ebe ha re fetoha hoo, ebe lefats'e le tla bona Kreste ka ho uena le 'na.

<sup>105</sup> Ntho ea pele, eo, papatso efe kapa efe, motho o tlamehile ho e bona.

<sup>106</sup> Ebe, ntho e latelang, ba lokela ho e batla. Joale, ha ba e bona 'me ba sa e batle, eba hoo ho fapaneng. Empa ha u a beha papatso ea lefeela ka ntle.

<sup>107</sup> Empa ha bao, pele, ba lokela ho e bona, 'me hape re lokela ho etsa hore e ba hohele. Oh, ke ts'epa ha re bona hoo, khoheli ea pholoso, seo e se etsang ho motho. Re lokela ho hohela lefats'e ho Kreste. 'Me ehlide Evangelie na le khoheli. E na le eona ho bao ba lapetseng Molimo. E hohela feela ba lapileng le ba nyoriloeng, 'me ke bona bao re ba batlang. "Ha ho motho ea ka tlang ho 'Na, Ntate a sa mo hula."

<sup>108</sup> Empa ho na le ba bangata ba hutsoeng ke Ntate, 'me ba lapile 'me ba nyoretsoe ho fumana Molimo, 'me ha ba tsebe moo A fumanoang teng, hoba bao ba lokelang ho ba matlapa ba khenathetse lintho tsa lefats'e, hoo ba sa boneng ho fetisang hoo ba nang le hona pele ba tla ho Eena. Ba phela joalo ka lefats'e. Ba bua joalo ka lefats'e. Ba bina tsona lipina tsa lefats'e. Ba apara joalo ka lefats'e, ke bolela, haholo ba bats'ehali. 'Me ba its'oara joalo ka lefats'e. Ba ea libakeng tsa lefats'e. Ba etela lits'a tsa boithabiso ba lefats'e.

<sup>109</sup> Motho o n'a re ho 'na, tsatsi le leng, mabapi le moreri e mong. 'Me ke rata monna eo. Ntle le pelaelo ke monna e moholo. A re, "Empa o le hlalositse hore—hore le bahalaleli ba thethehang," ho 'na, hore ke mohalaleli ea thethehang.

<sup>110</sup> Ka re, "Be, ke—ke—ke ha ke lumele ke le eena. Empa," ka re, "ke—ke batla ho halalela. 'Me hola Morena a mpoleletse ho thetheha, kea kholoa ke ne ke tla thetheha. Empa ke—ke batla ho halalela, leha ho le joalo, ho phela bophelo ba khalalelo, ho bolelang *bo-hloeki* ka pela Molimo."

<sup>111</sup> "'Me ka baka leo a re, be, hore u mathela koana le koana, mose ho maoatle, le hohle joalo, 'me u ikentse moromuo. Ha ho kereke e u romileng, u mpa u iphetotse moromuo oa maiketsetso."

<sup>112</sup> "Che," ka re, "ha eba ke fetohile moromuo oa maiketsetso, ho no ho sa tl'o hula maikutlo a lefats'e, hobane ha ba batlane le seo. Ba batla Kreste."

<sup>113</sup> 'Me re fumana hobane, hoo, banna bao le batho bao ba nahananang lintho tse joalo.

Ho na le lihlopha tse peli tse fapaneng. Molimo o na le lihlopha tse peli tse fapaneng.

<sup>114</sup> Ho na le banna bao Molimo a ba sebelisetsang ho lula hae, le ho nyalisa bakuli, le ho pata bafu, le ho aka masea, le ho nyalisa bacha ba bona, le lintho tse joalo. Ba bangata ba banna bao ha ba seo e leng sona ho jara sabole, le ho tsoela ka ntle mane ka sabole e leolitsoeng ka nqa tse peli moleng o ka pele

ntoeng. Ha ba tsebe seo ntoa e leng sona, ho loants'a sera. Ba tsoela ntle mona, 'me ke banna ba bohlale, baithuti ba thutabomolimo, banna ba baholo, ba ka emang, ba nts'a ther o hlophisisitsoeng, hape ba bue ka puo eo, hoo Webster a ka batlang a sa tsebe seo ba buang ka sona. Ba na le ligarata tsa kholeshe, empa hoo ho itoketse ha u bua le seholpha se hlalefileng se ipatlelang kereke ea lehae feela.

<sup>115</sup> Empa ha u tsoela ntle mane moleng o ka pele oa ntoa, moo banna bao ba nang le ho fetisang hoo. Ba tlamehile ho bona Matla a Molimo o Matlaohle ponahatsong, ho seng joalo u ke ke ua ba rekisetza eona. Ba lokela ho bona Kreste ka tsoho ea Hae.

<sup>116</sup> Empa, joale, ha ba tsebe seo e leng sona ho ts'oara Sabole e nttha-peli, ho loana e mahlo-mafubelu le sera mono. Moo batemona le lingaka tsa boloi, ntho tsohle, ba emeng mono, ba u phephetsa ka nqa tsohle. Le moo banna, ba balang Bibele eo, ho re, "Ha Jesu Kreste e sa le eena maobane, kajeno, le ka ho sa feleng, ha nke ke bone Moea o Halalelang o E phethahatsa joalo ka ha O entse morao mane." Le a bona? Ke moo u ke keng ua nka—ua nka borutehi le ho etsa hoo.

<sup>117</sup> Ho qosa Matla le tsoho ea Jesu Kreste ho hlahisa hoo. E. 'Me joale ke seo batala ba lapileng ba se batlang. Ba lokela ho E bona, 'me ba lokela ho E batla.

<sup>118</sup> 'Me ke eona ntho eo sechaba sena se nang le eona. Ke lona lebaka, bosiung bona, re fumanang litemoso tsena tsohle tsa ntoa ea atomo, ke kahobane sechaba se E bone, sechaba sena, 'me ha se E batle. 'Me ke ka baka leo kahlolo e Halalelang e leng holima bona. Ke kahobane re lekantsoe sekaleng.

<sup>119</sup> Ke bone moo Mopresidente oa rona, Mongh. Kennedy, Tom, kea kholoa ke lebitso la hae, Kennedy, ea rometseng, liofisiri tse ngata hakana, tlase bakeng sa ntoa ena ea khethollo. A romela makholo a mane le ho hong, tlase Boroa, ho felisa ntoa ena ea khethollo. 'Me eare ha a qeta, ka matla a hae ooohle, ha ba ka ba hlola ba romela, a ena le makholo a ts'eletseng a mashome a ts'eletseng a metso e ts'eletseng. Taba eo e ne e le magasineng oa *Times*. Oh, hola batho ba ne ba le moeeng, ho phaphama le ho bona seo "makholo a ts'eletseng a mashome a ts'eletseng a metso e ts'eletseng" a leng sona. Hantle feela seo ba ne ba ena le sona. Ke ho *Times* ea khoeli ena.

<sup>120</sup> Joale, re fumana, hobane, pele batho ba qala ba batla Molimo, pele batho ba qalella ho nyoroa! Jesu o itse, "Ho lehlohonolo ba lapileng le ba nyoretsoeng ho loka, hobane ba tla khorisoa." Joale, u lokela ho E lapela le ho nyoroa.

Re matlapa a Kreste.

<sup>121</sup> 'Me Kreste ke mots'ehetsi oa rona, hoba ts'ehetso ena ke ea Kreste. 'Me O re fa Bophelo ba rona, ho Mo ts'ehetsa. Joale, u

tsla ba motho oa mofuta ofe ha u ts'ehelitse motho e mong? Re lokela ho ba batho ba mofuta ofe ha re—re ts'ehelitsoe ke Kreste? O re fa pholoso. O re fa pholiso ea rona. O re fa 'mele o monate le matla. O re fa lijo tsa rona. O re fa malapa a rona. Joale he, re ts'ehelitsoe ke Kreste. 'Me batho ba pentekosta, ba tletseng Moea o Halalelang, ke bats'ehetsi ba Jesu Kreste. Ba ts'ehelitsoe ke Jesu Kreste, 'me ba fuoe Moea o Halalelang, e tle e be mohlala ho batho.

<sup>122</sup> Re lokela ho ba eng, kajeno? Kereke e lokela e be e le hokae, kajeno? Re tlamehile, ho ba maemong a tjena, a tla qosa lefats'e lohle hore le batle ho ts'oana le rona. Hoba batho ba theoha ka seterata 'me ba re, "Ho na le monna, nka 'na ka banana le eena, ka Lithuto tsa hae tsa borapeli. Empa ke u bolella ntho e le 'ngoe, eo ke Mokreste oa makhonthe." Eka khona ha basali ba theoha ka seterata, ho thoe, "A ka shebeha a its'oere sekhale-khale. A ka se ts'oane le basali bana ba bang bao u ba bonang. Empa ho na le Mokreste a le mong motseng oona, ha eba a le teng, ke eo moo a tsamaeang teng." Hobane, re ts'ehelitsoe ke Jesu Kreste. Amen.

<sup>123</sup> Oh, ke mofuta ofe oa motho, re lokelang ho ba oona, ha re le matlapa a Hae 'me re ts'ehelitsoe ke Eena? Ebe, ka ho Kreste, ke ho Eena re fumanang Bophelo ba rona, 'me re fumana matla a rona, 'me re fumana hohle hoo re nang le hona, li tsoa ho Kreste. Ke mots'ehetsi oa rona. Oh, ke lebohela hoo haholo!

<sup>124</sup> Ka baka leo, re ts'oanelia ho ts'oana le Eena. Ho ba hlokolosi ka seo re se etsang, seo re se etsang bophelong ba rona ba letsatsi le letsatsi, hoba re ts'ehelitsoe ke Kreste. Re loketse ho tsamaea joang ha re ts'ehelitsoe ke Kreste? Re loketse ho bua eng ha re ts'ehelitsoe ke Kreste? Ha motho a bua hampe ka rona, re ts'oanelia ho re'ng ha re ts'ehelitsoe ke Kreste? Re ts'oanelia ho ts'oana le Kreste. Ha ho joalo? [Phutheho e re, "Amen."—Mong.]

<sup>125</sup> Joale, joale, ho na le ntho e le 'ngoe... 'Me ntho e 'ngoe eo re ts'oanelang ho e etsa, hase eona feela, empa ntho e 'ngoe eo rona bareri re ts'oanelang ho e etsa. Re ts'oanelia ho rera Evangelie hohelang ba lapileng.

<sup>126</sup> Joale, ha re rera Evangelie ea batho, le ho re, "Che, u loketse ho tla ngolisa phuthehong ea rona ea borapeli. Re fumane likete tse 'ne ngoahola, mokhatlong oa rona." Hase eona. "Ha u ka tla kerekeng ea ka, kapa oa fetoha setho sa kereke ea ka, re tla u hlokomela hara...ha u tsofala. 'Me ha u le setho se ts'epahalang, ekare pholosi ea inshorents'e, u tla hlokomeloa ha o tsofala. Re tla hlokomela hoo." Hoo e sa ntse e se khulo.

<sup>127</sup> Ntho eo re batlang ho e etsa ke ho rera Evangelie hohelang lefats'e le lapileng.

<sup>128</sup> Joale, u ka hohela joang lefats'e le lapileng le sa boneng moo le tsoang teng, hore ke bo mang le moo ba eang teng, ha u sa bolele Evangelie e phahamisetsang Kreste maemong a

phelang, hantle mona ho pota hona joale? Re ke ke ra khona. Ha ho mokhoa. Rona, re ka ngolisa, re ngolisa ho Mason, ho—ho Odd Fellows, kapa locheng efe feela, ho ngolisa locheng e 'ngoe ho nts'o ho ituletse ho le joalo.

<sup>129</sup> Empa re ts'oanelo ho bolela Evangelie holelang batho ba lapileng, e tla ts'oara ba lapileng le ba nyoretsoeng ho loka. "Ho lehlohonolo ba lapileng le ba nyoretsoeng ho loka, hobane ba tla khorisoa." Joale, ba tla ba joang? "Ba lokileng ba tla khorisoa." Ho khorisoa ka eng? Moea o Halalelang.

<sup>130</sup> Bibebe e itse, "Setefane e ne e le monna ea tletseng . . ." A tletse eng? A tletse matla. A tletse tumelo. A tletse lerato. "A tletse Moea o Halalelang." Ke sona se mo entseng seo a na a le sona, ke kahobane a ne a tletse Moea o Halalelang. E ne le letlapa la 'nete le bapatsang la Kreste.

<sup>131</sup> Mohla a ne a eme mono, hoseng hono, makhotleng a Sanhedrine, 'me ba mo qosa. Ba re, "Monna enoa," ka sohle seo a neng a se etsa. 'Me a ema a 'nots'i, eena feela a 'nots'i, ka pela lekhotla le leholo la Sanhedrine. Mohlomong la Bajude ba likete li peli kapa tse tharo, kapa ba likete tse hlano, ba eme mono ba mo supile ka monoana.

<sup>132</sup> Bibebe e boletse, mohla a na a tsoela mono, ho re, "Sefahleho sa hae se ne se le joalo ka sa Lengeloi." Hoo ha ho bolele a na a ena le Leseli le phatsimang sefahlehong sa hae. Lengeloi e ka ba moromuo a neng a tseba seo a buang ka sona. Setefane a tsoela mono, a sa ts'abe lefu. A sa ts'abe letho, hoba a ne a tseba seo a buang ka sona.

<sup>133</sup> Pauluse a re, "Ke tseba Eo ke lumetseng ho Eena, 'me ke ttitle hobane A ka babala seo ke se laeletsang ho Eena."

<sup>134</sup> Empa Setefane a tsoela mono, ka pela lekhotla leo la Sanhedrine, joalo ka nku hara sekakhatha sa liphiri, li ngaea li batla mali a hae. 'Me ba mo qosa, 'me ba mo supa ka monoana o mo qosang. O ne a entse'ng? A re, "Banna ba heso le baena, Molimo oa Khanya o iponahalitse ho ntata rona Abrahama, a sa le Mesopotamia, le pele a bitsoa." Ho tsoella le ho theoha ka eona, nalane eohle ea Abrahama, le kamoo Balichaba ba neng ba tla kena ka eena. 'Me eare ha a fihla sebakeng se seng . . . Mo shebeng, o tletse Moea o Halalelang. Bao, ba eme, ba sa khone ho ema ho fihlela ba mo ts'oara ka matsoho a bona. A re, "Lona ba melala e thata, ba sa bollang pelo le litsebe, le hanelo Moea o Halalelang kamehla. Joalo kaha bontata lona ba entse, le lona le etsa joalo." E ne e le letlapa la Molimo la papatso.

<sup>135</sup> 'Me eitse ha ba mo tlepetsa ka majoe ho isa lefung, ba mo lahlela ka ntle ho motse 'me ba mo tlepetsa ho isa lefung ka majoe, eare ha a shoa, a lelaletsa hlooho ea hae Lehelimong le ho kopela ba neng ba mo tlepetsa ka majoe ts'oarelo, ntho e ts'oanang le eo Jesu a e entseng sefapanong.

<sup>136</sup> Eaba, Molimo o bona letlapanyana la Hae la papatso le nnkuwa le theoloa. Setefane a lelala Leholimong, ho re, "Bonang, ke bona maholimo a phetliloe, le Jesu a eme letsohong le letona la Molimo." 'Me a robala a khaleha matsohong a Molimo. E ne le e letlapa la papatso ho lefats'e le nyoriloeng.

<sup>137</sup> U re, "Che, ho ne ho ena le batho ba bakae mono? U itse mohlomong ba ne ba ka ba likete tse hlano. Ho ile ha pholosoa ba bakae?"

<sup>138</sup> Ho bile lea le a le mong. Ha a ka a e amohela hona moo, empa lilemo hamorao. Alleluia! Sebakeng se seng, ts'usumetso ea hao ha e shoe. Ho ne ho ena le ea ts'oereng liphahlo, Saule, Mofarasi e mocha eo ea emeng mono, a eletsa mme a paka lefu la hae. Empa eare ha a bona papatso eo ea Matla a tsositsoeng a Kreste ka hara thakanyana leo, ha ea ka ea hlola e tloha ho eena. Eena monna eo, Pauluse, eena ea neng a eme mono hoseng hoo, o ile a isa meea e mashome a likete ho Kreste, kahobane monna a le mong a ne a ikemiselitse ho neela bophelo ba hae ho fetoha letlapa la papatso la Jesu Kreste.

<sup>139</sup> Re lokela ho etsa'ng kajeno? Ho sa tsottelehe, ha rea lokela ho ba le mats'ole a maholo. Ha rea lokela ho rerela likete tse leshome. Ha re hloke le ho rera. Re ka ba letlapa la Molimo la papatso. U tseba joang hore bophelo ba hao bo ke ke ba sisimosa mohlanka e mocha Evangeling? Ba bang ba lona banna ba holileng, ho bona basali ba holileng, ho sisimosa mohlanka e mocha ntle koana ts'imong, ea ka hapelang Kreste meea e likete tse leshome, ke kahobane a bone Kreste ka ho uena, u ile ua mo hlahisetsa Kreste, ka Matla a bonolo a Evangelii. E.

<sup>140</sup> Ke nahana hore re hloka Kreste. E, monghali. Mokhoa feela oo re bonang Kreste keha A halima ka hara e mong. Ke bona Kreste ka ho uena. U 'Mona ka ho 'na. Ke kamoo re hlokamelang Kreste. Ke tla kopanong. Ke qalella ho rera. Ke sheba batho. U ka ba bona ha ba na le thahasello kapa che, metsotsa e 'maloa feela. U sheba holima lets'ole la hao. U ka bona ha u ba tena kapa che. Le a bona? 'Me ntho ea pele u a tseba, u ba bona ba lutse mono, ba its'oareletse ka Lentsoe ka leng, tlasa tebello. Le a bona? Ke bona Kreste a halimisitsoe ka hara motho eo, hobane o lapile 'me o nyoretsoe Molimo.

<sup>141</sup> Hape, 'na, ha ke bolela Evangelii, u bona Kreste a halimisoa ka ho 'na. Ke bona Kreste a halimisoa ka ho eena. Hoo ho bolela hore Kreste o hara rona. Amen. "Ho lapa le ho nyoroa." Ke talima lets'ole, kamoo ba e amohelang kateng. Ho bua ntho e 'ngoe hape, ho sheba ke ts'oaetso efe—efe eo E ba tlisetsang eona. Ho hlokamela ha lifahleho tsa bona li khanya, ho tlala thabo. Ba mothating oa ho amohela ntho e 'ngoe he. Ke

Kreste. Ke bona Kreste a halima ka hara motho eo ka baka la Evangel, Evangel e bonolo ea Kreste, e its'oarella ka hara pelo eo, hobane ba lapile le ho nyoroa.

<sup>142</sup> 'Me ke bonts'itse letlapa mona, papatso. Ke papatso ea mofuta ofe? E seng ho thutabomolimo ea mofuta, e seng ho tumeloana e entsoeng ke motho, empa ho Kreste ea phelang ka ho ts'oana kajeno, le bakeng sa matla, hoba e sa le Eena maobane, kajeno, le ka ho sa feleng. Amen. Hantle. Ba khona ho bona matla ao a Molimo a tsamaea, ho A bona holima meaho, le ho A bona a qoholla batho, ho lemoha lipelo tsa bona, ho folisa bakuli, ho senola makunutu a pelo tsa bona, ho thibolla litsebe tse thibaneng, le ho tutubolla lifofu. Ke eng? E a hohela. Ke letlapa la Kreste la pents'o. 'Me batho ba Le bona, 'me ba bokana, 'me ba rorisa Molimo. Ke E bona ka hara bona ha ba rorisa Molimo. Ba E sheba ka ntle mona, ha E tsamaela ka mona. Ka baka leo, ka e mong le e mong, re bona Kreste a halimisa Leseli la Hae. Joale, ha ho tsotelehe kamoo nka E halimisang *mona*, ha E sa halime holima hao, le uena, re ke ke ra E utloisia.

<sup>143</sup> Evangel ha e na matla ha ho se motho ea E amohelang. Ho na le ba bangata ba sa tl'o E amohela. Empa ho ba tlang ho E amohela, E tla halima ka hara bona.

<sup>144</sup> Mohlomong ho ne ho ena le likete tse hlano hoseng ha polao ea Setefane, empa ha ba le a le mong eo E halimisoang ho eena. Esita le pheletsong ea bophelo ba hae, a re, "Ha kea ts'oaneloa ke ho bitsoa e mong oa bahalaleli," a re, "hobane ke hlorisitse Kereke ea Molimo, le ho isa lefung." Khutso ea hae ho tlepetsong ha moshoelatumelo eo, Setefane, ha ea ka ea hlakoha ho Pauluse. A re, "Ke hloritse Kereke, esita le ho isa lefung." Le a bona? Ha ea ka ea hlakoha ho eena, hobane o bone Kreste a halimisitsoe.

<sup>145</sup> Setefane o entse hoo joang? Ha a ka a etsa mehlolo ea letho, leha koana a tsebile Kreste e ne e le ramehlolo. A tseba matla ana 'ohle le lintho. Empa a etsa'ng? A mpa a neela bophelo ba hae hoo ba bileng ba bona hore e ne e le matla a Kreste. Amen.

<sup>146</sup> U ka 'na ua se ke ua bona pono. U ka 'na ua se ke ua bea matsoho a hao holima mokuli, le ho utloa ho chalametsa ha Molimo o Matlaohle ho boela ho phelisa monna ea masapo feela. U ka nna ua se ke ua 'Mona a eme mono ka meokoli e meraro kapa e mene. U ka 'na ua se ke ua bona sets'oants'o sa Hae. U ka 'na ua se ke ua utloa lentsoe la Hae. Empa ua 'na ua ba letlapa la pents'o le tla halimisa Jesu Kreste, ka bophelo bo hloekileng hakana le bo sa silafatsoang ke lefats'e. Bophelo ba hao bo sa lubakana le lintho tse lits'il a tsa lefats'e; empa ntho e hloekileng, e tla lapisa pelo ebe e lapele le ho nyoreloa ho ts'oana le uena. Amen.

<sup>147</sup> Le letsoai la lefats'e. "Ha letsoai le tapa, le ka nokoa ka'ng?" Ke hantle. Ho lapa le ho nyoroa! "Leseli la lona le ke le khants'etse batho joalo, hore ba bone mesebetsi ea lona e molemo, ho bona seo le se etsang, le ho rorisa Ntate ea Maholimong." Ho lapa! Matlapa a mats'oao! Ho halimisa! Ho a babatseha! E, monghali.

<sup>148</sup> Joale, hape, ha re batle ho etsa hona. Ha re batle ho hlahisa thekiso ea lehlanahlana ka eona, ho re feela, "Che, ke sokolohile maobane bosiu. Alleluia! Lefats'e lohle . . ." U ke ke ua etsa hoo. Eo ke thekiso ea lehlanahlana. Ha re etsa hoo, sehlahisoa ha se setle hakaalo. Ha u phela hantle feela, ho re, "Kea tseba ka nako e 'ngoe, ka—ka na ka phela hantle liveke tse peli hoba ke sokolohe. Ka phela tse peli . . . Ka phela, liveke tse peli, bophelo bo phethahetseng feela." Ke thekiso ea lehlanahlana. E ts'oana le Hadicol eo re sa tsoa ba le eona, ha ho letho haese sehlopha sa livithamine tse shobiloeng hammoho, 'me ha ea ka ea nka nako e telele. Qetellong e ile ea fela.

<sup>149</sup> U batla ho ba Mokreste ua letsatsi-le-letsatsi, Mokreste oa hora-le-hora, Mokreste oa selemo-le-selemo, e seng thekiso ea lehlanahlana. Empa Leseli la hao le ke le khants'e.

<sup>150</sup> Ha u ea ho motho 'me u mo kopa ho amohela Kreste, a u ts'eha sefahlamahlo, u se ke ua tloha u re, "Be, ha ho letho ho Eona, ho seng joalo a ka be a E amohetse." Che. Ke thekiso ea Hadicol eo. Ha re rekise Hadicol.

<sup>151</sup> Re rekisa Evangel, matla a Molimo o phelang, Kreste eena maobane, kajeno, le ka ho sa feleng. Ha lefats'e le u hloile, le hloile Kreste pele le u hloea, la Mo khannela sefapanong ka lebaka lona leo. Empa rona re baemeli ba Hae. Re matlapa a Hae a papatso. Re a Mo bapatsa.

<sup>152</sup> Ha u a lokela ho ba le dintho tse ngata tse mahalihali, sekhakhatha sa, "Ngaka, PhD, LLD! Kereke e kholo e halalelang, ea *Semanya-manyane* le *Semanya-manyane*, e theiloeng morao koana *neng-neng*, le *neng-neng*! Re na le *hore-le-hore* le *hore-le-hore*!"

<sup>153</sup> Ak'u ba lapise feela. Amen. Letlapa le sa khabang, le hloekileng ka Kreste ea ngotsoeng bophelong ba hao, "Batho ba tle ba bone mesebetsi ea lona e molemo 'me ba rorise Ntate ea Maholimong." Ke moo.

<sup>154</sup> U se ke ua netoa ke dithole tsa lefats'e. U se ke ua leka ho ipapatsa joalo ka motho ea reng, "Be, ke setho sa *Hore-le-hore*, kereke e kholo ena. Ke kereke e kholo motseng."

<sup>155</sup> Re na le moahisane tikolohong ea rona holimo mono, ea ngalileng kerekana holimo mona 'mileng o moholo, ho ea kerekeng e kholoanyane, hobane, ba re, "Sehlopha sa batho ba maemo a matle se tsamaea kereke mono." Sehlopha sa batho

ba maemo a matle? Le a bona? Ha ba tsebe. A bona—maboko a bona a thunthelitsoe ke lerole. A rothofalitsoe ke lintho tsa lefats'e. Sehlopha sa batho ba maemo a matle sa batho?

<sup>156</sup> Sehlopha sa batho ba maemo a matle ke sefe? Batho ba tsoetsoeng ke Moea oa Molimo. Leha ba futsanehile hoo ba sa tsebeng moo lijo tse latelang li tsoang teng. Ke sona feela sehlopha se nang le boleng bo itseng. Ke batho ba tsoetsoeng labobel.

<sup>157</sup> Mohla Jesu a ne a fihla, O ile a tlameha ho fumana sehlopha sa batho ba maemo afe? Ba sa rutehang, bats'oasi ba lihlapi, banna... Petrose, moapostola, mohalaleli e moholo ea filoeng linotlolo tsa Leholido, a sa khone le ho saena lebitso la hae; ka lephoka la hlapi le tsoang mesing ea lihlapi le linthong, a apere sekhhahla se mafura. Jesu a nka motho oa maemo ao. Kajeno, ha a ka kena ba ka mo rahela ka ntle ho kereke, hantle, ho rapela. Le a bona?

<sup>158</sup> Batho ba batlana le "maemo." 'Me na le ne le tseba hore Liabolosi o phela maemong? Ana le tseba se tsositseng ntoa Leholidong? Ke mohla Lucifere a neng a hlophisa batho ba maemo a holimo, ho fumana Mangeloi a maemo a matle, kamoo a na a hopotse kateng. 'Muso o moholo, o moholoanyane, 'muso o phatsimang ho feta, o bekenyang ho feta oa Mikaele. 'Me a lelekua Leholidong. Le bona moo maemo a tsoang teng? Tsamaelang hole le maemo.

<sup>159</sup> Ba lapileng ha ba batle maemo. Ba lapileng ba batla lijo. E, monghali. Ba hatsetseng ba batla mollo, e seng sets'oants'o, mollo. 'Me ba lapileng, ba nyoretsoeng Molimo, ba batla Evangeli le matla a Jesu Kreste. Amen. Ho sa tsotelehe kamoo e sa khabang kateng, kamoo—kamoo un-...kamoo e sa batloeng kateng lefats'eng, ba batla ntho ea sebele.

<sup>160</sup> Monna ea shoang, monna ea tsebang hore o tlamehile ho kopana le Molimo, ha a tsotelle maemo a letho. O batla ho fumana Molimo. O batla ho fumana tiisetso, hore ha a fihla tlase lelibohong, ho tla ba le motho ea mo khahlanyetsang le ea 'monts'ang tsela. O batla ntho e mo ankorang hona joale, e tsebang, "Kea tseba Molopolli oa ka oa phela. 'Me matsatsing a qetelo, O tla ema holima lefats'e."

<sup>161</sup> "Hobane ke tsebisisa ruri hore leha e le ntho tse leng teng, leha e le tse tlang ho tla, tlala, timelo, ha ho letho, le tla tseba ho re arohanya le lerato la Molimo le leng ho Kreste." Ke seo ba se batlang, ho batla ntho e...

<sup>162</sup> E seng boipeho-tumelo, ntho e rekisoang ka leptla-potla, "Le ho ts'elela ka mona ho ngolisa kerekeng ena." Ke batla ntho e... Ho re, "Be, ke tla theoha 'me ke ngolise kerekeng. Ke tla ts'oara ts'ebeletso ea khethelo, molisa o tla nkolobetsa ka sekhukhu 'me a nkenye kerekeng." Che, che. Hase eona. Ke e'ngoe ea lithekiso tsa leptla-potla. E ke ke ea ts'oarella nako e telele.

<sup>163</sup> Ke batla ts'okoloho ea mehla ea khale, monna kapa mosali ea ikemisetsang ho tsoa le ho re, "Ke phoso. Ke batla ho ts'oana le moahisane oa ka. Ke batla ho ba mosali ea ts'oanang le moahisane oa ka. Ke batla ho ba monna ea ts'oanang le moahisane oa ka. Ke batla ho tsamaya ka khalalelo hakana pela batho, hoo batho ba tla nahana ka nna joalo ka ha ba nahanne ka eena. Ke batla ho ts'oana le Jesu Kreste."

<sup>164</sup> Joale, le hopole, ha ke koala, ke—ke—ke tsoelapele feela. Empa, ho koaleng, ke batla ho bua sena. Ha re barekisi ba Hae. Re matlapa a Hae. Le a bona? Le se ke la nahana hobane re barekisi ba Hae. Ha A hloke borekisi bofe kapa bofe, ke matlapa feela.

<sup>165</sup> Ke ne ke sebeletsa Mokhatlo oa Ts'ebeletso ea Sechaba. 'Me eaba re ba le ntho ena ea lebone la Mogal e hlahisoang. Ba ne ba ena le tlholisano. Mang le mang ea neng a rekisa mabone a mangata, oh, moputso, le joalo-joalo, le phesente e itseng, eo ba neng ba e fumana ka ho a rekisa. Be, motho e mong le e mong, mosebetsi e mong le e mong, o ne a tlamehile ho fetoha morekisi oa mabone ana. Be, eaba ke nahana ntho e kang ena, "Ha sehlahisoa se entsoe tiisetso ho 'na, mokhatlo o nketselitse tiisetso ka sehlahisoa. Joale, ha lebone le fela le le letle, le tla ithekisa. 'Me ha le sa loka, ke tla be ke isetsa sechaba ntho e sa lokang."

<sup>166</sup> Ha ke eso ho ka ke lumela nthong e joalo. Ha ke lumele linthong tsena tsa borekisi ba khatello e holimo. Ke ka baka leo ke sa e lumeleng borapeling. Ha ke ts'oere sehlahisoa se molemo, se tla ithekisa. Ke hantle. Se tla ithekisa.

<sup>167</sup> Ka baka leo le tseba seo ke ileng ka se etsa? Ka theohela tlase mono, ka re ho mosupritende, ka re, "Na mabone a hlile a na le tiisetso?"

"Ehlide, a entsoe karanti."

"A ke ke a hlanoha?"

"Che, monghali."

<sup>168</sup> "'Me na a na le tiisetso? Ts'ebetso ea oona le ntho e 'ngoe le e 'ngoe e na le tiisetso?"

"E."

<sup>169</sup> Ka bona hore ba entse lebone le letle le bonolo. Mosali e mong le e mong a ka le ananela ka phaposing. Lea tseba ka etsa'ng? Ka phahlela makholo a mabeli a oona, 'me ka pota motho e mong le e mong eo ke mo tsebang.

<sup>170</sup> Ho re, "U batla'ng, hoseng hona, Billy? Ha kea lefa molato oa ka na?" Ke ne ke tlameha ho phutha melato.

<sup>171</sup> Ka re, "Oh, u lefile molato oa hao. Ke batla ho u etsetsa o mong." Ke re, "Ke ts'oere lebone mona."

"Oh, nke ke ka le khona."

<sup>172</sup> “Joale bea butle. Ha ke e-so u kope ho le reka. Ke mpa ke ts'oere qubu ea a ts'oanang le lona, ke—ke theola le leng ka tlung ea hao. U ka le boloka liveke tse 'maloa, 'me oa le thabela, 'me ke tla khutla 'me ke boele ke tl'o le lata. Re tlamehile ho bapatsa lintho tsena, ho li nts'a feels, ka baka leo ke tla le bea ka tlung ea hao.”

<sup>173</sup> “Be, joale, Billy, nke—ke ka khona ho le reka. Ha ke na chelete ea ho le reka.”

<sup>174</sup> “Ha kea u kopa le ho le reka, ha ke re? Ke mpa ke re ke batla ho le bea ka tlung ea hao, u le sebelise ka thabo.”

“Ha ho bosoasoi.”

<sup>175</sup> “Le hanyenyane. U a ntseba. Ke tla boela ke khutla 'me ke tl'o le lata. Ke tla lata nakong ea liveke tse peli. Ho lokile. Ke tla fihla 'me ke tl'o e nka. Ntho feels eo ke batlang hore u e etse, ke feels... Ke batla feels ho le theola loring ea ka, ho fumana sebaka sa ho le bea. Ke lokela ho theola a palo e kana ea oona mona. Ke—ke—ke batla ho le theola loring ea ka. Ke—ke ne ke sa batle hore u le reke. Ha kea u kopa ho le reka. Ke u kopile feels ho le bea mona.”

“Be, ha le thubeha teng?”

“Ke boikarabelo ba ka boo. Ke 'na ea le emelang.”

<sup>176</sup> Ke ne ke tseba hore lebone le tla ithekisa. Ke ne ke tseba hore ke sehlahisoa sa sebele. Ka kenya lebone ka tlung. Ha kea ka ka phutha a leshome ho ao a makholo a mabeli. Ka hapa tlhohlisano eo. Hoba hobaneng? Hobaneng? Lebone le ile la ithekisa. Hang feels ha u le bona, le ho bona seo le leng sona, ke moo u seng u le batla. Le tla ithekisa.

<sup>177</sup> Ke ntho e ts'oanang. Ha rea tlameha ho ba le mekhatlo e meholo ho rekisa Kreste. Ha rea tlameha ho ba le bareri ba rutehileng haholo, le batho ba bents'itsoeng haholo bao e leng boramotse, le lintho tse fapaneng tsa motse. Seo re tlamehang ho ba le sona ke Kreste. 'Me Kreste eena o a Ithekisa. Ha u kenya Kreste pelong ea motho, ha u a tlameha ho 'molella, “U tlameha ho ikopanya le mokhatlo *ona*, kapa *oane*.” O se a rekile sehlahisoa.

<sup>178</sup> Na le lapile? “Ho lehlohonolo ba lapileng le ba nyoriloeng.” Re itokisetsa ho atamela tafole ea selallo joale. Bao ba esong ho ka, mohlomong, ba eso nke Kreste ho fihlela joale bophelong ba lona... Ha u le Mokreste, e tla ba u lapile. Ke bile Mokreste, lilemo tse mashome a mararo le motso o le mong joale, 'me letsatsi le letsatsi ke lapela Kreste ho feta mohla ke ne ke qala. O eketsa ho ba monate ha matsatsi a ntse a feta.

<sup>179</sup> 'Me ke sheba matlapanyana a Hae a papatso, joalo kaha ke ba bone ba theoha ka seterata, ho ba sheba ka ntle mona kokelong, ho ba sheba horeng ea lefu la bona, ho ba sheba ka

ntle mona ha ba kopane le makhaolakhang, ho sheba mofumahatsana eo, kamoo a its'oarang kateng mono joale ka mohalaleli oa makhonthe, oa sebele.

<sup>180</sup> Hase khale haholo mona, ha ke ne ke eme khaontareng, ke shebile mofumahatsana e mong. [Sekheo lebanteng—Mong]. . . . ho qala, ho retoloha. Ho re, “U tseba Jesu joale ka Mopholosi oa hao?” ’Me moshanyana a sunya hlooho ea hae fats’e, ho potela, monyako, le a bona, a se ke a ncheba. Ke moo he. Oh, mosetsana a sa ntsebe, empa ’na ke mo tseba. Ke ne ke mo tseba. Ka mo sheba. O nyetsoe joale. O nyetsoe ke moreri e monyenyan, ’me o tsoelapele hantle feela.

<sup>181</sup> Ka baka leo ke moo, le a bona, ke rata ho sheba letlapa leo la papatso. Ke rata ho le sheba. Le—le a nlapisa, ho fihla sebakeng seo, moo, re ka jang, ho ja Lijo tsa moea. Hobane, hoba ke ne ke tseba ngoanana eo e se setho sa kereke. E ne e le Mokreste. Ke hantle. E-ea. U ka bolela.

<sup>182</sup> Bibebe e itse, leha. . . . Petrose le Johanne, hoba ba folise monna eo monyako o bitsoang o Lokileng. A holofetse, ha e sa le le popelong ea ’m’ae. A se na matla a makaalo. A sa khone ho ema nako e telele. Petrose a lokela ho mo phahamisa, ho mo tsamaisa, a folile. “Ha e sale le le popelong ea ’m’ae.” ’Me itse ha ba mo emisa ka hara lekhota, le ho ba hanela ho rera ka Lebitso la Jesu. “’Me ba lemoha hobane ba ne ba sa bala,” Bibebe e itsalo. Baapostola bana, Johanne le Petrose, e ne e le banna ba sa balang ’me ba sa ruteha. Ba sa tsebe thutabomolimo efe feela e kholo. E ne e le bats’oasi ba lihlapi; ba sa khone le ho saena mabitso a bona. Empa ho thoe, “Ba ba hlokomela, hobane ba tsamaile le Jesu.” E ne e le eng? Matlapa a papatso, matlapa a papatso.

<sup>183</sup> Oh, re ne re ka tsoela pele. Molimo, re thusé ho ba matlapa a papatso. Tabernakele ena ea Branham mona, sets’ a se se nyenyan sena se khethetsoeng le ho neeloa Molimo, se ke se hlahise matlapa a manyenyane a papatso hohle naheng mona, a tla etsa hore sechaba sena sohle se lapileng le se nyoriloeng se tle ho Kreste, ebe thapelo ea ka.

Ha re inamiseng lihlooho tsa rona motsotso.

<sup>184</sup> Ntata mehauhelo e meholo, ruri re batho ba filoeng monyetla, ho ba le Kreste maphelong a rona le lipelong tsa rona. Re thabile haholo ka Eena, Ntata rona. Rea tseba, hore, ho Mo tseba ke Bophelo. E seng ho tseba tumeloana, e seng ho tseba Buka, empa ho tseba Kreste, ke Bophelo. ’Me, Ntate Molimo, rona ba Mo fihletseng a le joalo, Mopholosi oa rona, mofolisi oa rona, matla a rona, thuso ea rona, thuso ea rona e tsoa ho Morena. Re ipolela hore ha re letho; ha re tsebe letho. Ho na le ntho e le ’ngoe feela eo re e tsebang kapa eo re lakatsang ho e tseba, ke Kreste, matleng a tsoho ea Hae. Hoba, e mong le e mong ea lumelang hona, o na le Bophelo bo sa Feleng.

<sup>185</sup> 'Me rea rapela, Ntate ea Maholimong, hore U tle u hlohonolofatse kerekana ena, le batho bana ba mona bosiung bona bo chesang, bosiung bona ba sabattha mona, ho lula ka hara tabernakele e nyenyane ena e entsoeng ka patsi, ho emela mahlohonolo a Molimo.

<sup>186</sup> Mantsoe a 'maloa a kopakopaneng le mantsoe a khaohaneng a nts'itsoeng, ho lapa, 'me motsamai o bona letlapa la papatso. Molimo, re etse ba lapileng hona le ba nyoriloeng, hoo re tla hlokomela matlapa a Hao a papatso, ho bona bophelo ba Bokreste. Re ke re be matlapa a Hao a papatso. U ke u halimise Leseli la Hao moeeng o lapileng, ba tle ba lape ha ba bona letlapa leo re le bapatsang. Kreste, mots'ehetsi oa rona, o re file bophelo ba khotso, thabo e tletseng le matla moeeng oa rona, le ho phela bophelo hoo batho ba tla batla ho ts'oana le hoo. Fana ka sena, Morena. Re fe hoo rona bohle.

<sup>187</sup> 'Me ho ke ho be le ba bang mona, ba esong ho ka ba fumana hoo, empa mohlomong ba ne ba lekolisia 'me ba ntse ba shebile bosiung bona, ho theoha joalo leetong la bophelo, ho fetoha ba fapaneng, batho ba holileng ba bahalaleli, bomme ba holileng bao ba mehla e fetileng, monna eo ba neng ba mo ts'eha koung ea seterata 'me ho lekangoa hlooho ea hae e sa nke hantle, a eme mono a ntse a rera. Empa joale ba bona hobane monna eo e ne e le letlapa la papatso. E ne e le lets'oao le supang. 'Me eo oa khale ea halalelang ea neng a theoha ka seterata, moriri oa hae o bofiloe ka morao, [Sekheo lebanteng—Mong.] 'me, empa, mohlomong rona bacha re ne re ba ts'eha, le ho nahana, "Ke ntho ea mofuta ofe ea sekhale-khale eo?"

<sup>188</sup> Empa rea eleloa, Morena, leo e ne e le letlapa la papatso le isang Bophelong bo sa Feleng. Re ile ra le feta, Ntate. Re masoabi. Re masoabi. Re ke re khutle 'me re menahane le mehlala, bosiung bona, Ntate. Re etse joalo. Re fe Bophelo. Re batla ho ts'oana le bahalaleli, ka pel'a Hao. Re batla ho its'oara joalo. Monna eo re 'muisitseng hampe, monna eo re phehileng khang le eena, ha a ka a arabela letho, empa o ne a le mosa haholo, 'me a re, "Ho lokile, mora. Morena a u hlohonolofatse."



*LESELI LA LONA LE KE LE KHANYETSE BATHO JOALO SST61-0903*  
(Let Your Light So Shine Before Men)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha mantsiboya, Lwetse 3, 1961 mane Tabernakeleng ya Branham mane Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)